



Broj: 03-1-119/18

Datum: 08.10.2018. godine

Na osnovu člana 5.stav 1. tačka 8. Zakona o dopunskim pravima boraca – branitelja Bosne i Hercegovine ("Službene novine Kantona Sarajevo" broj 45/12 – Prečišćeni tekst, 26/14 i 46/17) i člana 3. i 5. Uredbe o načinu i uslovima ostvarivanja prava na dodjelu stipendija borcima- braniteljima Bosne i Hercegovine i njihovoj djeci ("Službene novine Kantona Sarajevo" broj 40/14 – Prečišćeni tekst) Fond Kantona Sarajevo za stipendiranje i školovanje djece boraca, poginulih boraca i poginulih civila – žrtava rata "IKRE" uz saglasnost Ministarstva za boračka pitanja Kantona Sarajevo raspisuje

**KONKURS
ZA DODJELU STIPENDIJA DJECI BORACA- BRANITELJA BOSNE I
HERCEGOVINE SA PODRUČJA KANTONA SARAJEVO U ŠKOLSKOJ 2018/2019
GODINI**

Ministarstvo za boračka pitanja Kantona Sarajevo dodjeljuje stipendije za školovanje navedenih kategorija lica u školskoj 2018/2019 godini u mjesečnom iznosu od 100,00 KM. Stipendije se isplaćuju za 9 (devet) mjeseci u kojima se odvija nastava za učenike i studente I ciklusa studija koji se nalaze na redovnom školovanju.

I - OPĆE ODREDBE

1. Pravo učešća na konkursu imaju djeca boraca – branitelja Bosne i Hercegovine;

Pod borcima- braniteljima podrazumijevaju se lica iz članova 1. i 2. Zakona o dopunskim pravima boraca – branitelja Bosne i Hercegovine("Službene novine Kantona Sarajevo" broj 45/12 – Prečišćeni tekst, 26/14 i 46/17), odnosno da su u toku agresije bili pripadnici Oružanih snaga Bosne i Hercegovine najmanje 12 mjeseci neprekidno, u periodu od 20.06.1992. godine do 23.12.1995.godine, u skladu sa članom 2.stav 5. Zakona o pravima branilaca i članova njihovih porodica ("Službene novine Federacije Bosne i Hercegovine" broj 33/04, 56/05, 70/07, 9/10 i 90/17)

Pod uslovom:

- a) da imaju prijavljeno prebivalište, odnosno boravište na području Kantona Sarajevo, a najdalje od 06.02.1999. godine i dalje neprekidno;
- b) da se nalaze na redovnom školovanju u srednjim i visokoškolskim obrazovnim ustanovama;
- c) da ne obnavljaju razred ili godinu;

2. Pravo na dodjelu stipendije bez bodovanja po odredbama člana 16.a Uredbe ostvaruju:

1. Djeca bez oba roditelja čiji su roditelji poginuli kao pripadnici Oružanih snaga Bosne i Hercegovine ili umrli odnosno poginuli nakon agresije, a jedan od njih je bio pripadnik Oružanih snaga Bosne i Hercegovine najmanje jednu godinu neprekidno u periodu od 20.06.1992. godine do 23.12.1995. godine

2. Jedno od djece koje bi u skladu sa kriterijima bodovanja imalo najviše bodova, iz porodice u kojoj se na redovnom školovanju nalaze troje i više djece, a čija ukupna primanja

po članu domaćinstva ne prelaze 16% prosječne neto plaće ostvarene u Kantonu u prethodnoj kalendarskoj godini, računajući i primanja iz oblasti boračko-invalidske zaštite, pod uslovom da ispunjavaju uvjete iz tačke 1. alineja a), b), i c) općih odredbi.

Stipendija se ne može dodijeliti za dva ili više učenika iz iste porodice, licima koja već primaju stipendiju od nekog drugog organa, institucije ili fondacije, apsolventima i licima koja obnavljaju školsku godinu.

II – IZBOR KANDIDATA:

Fond "IKRE" će u razmatranju pristiglih molbi za dodjelu stipendija utvrđivati broj bodova za svakog kandidata prema sljedećem:

1. – Bodovi po osnovu rezultata u učenju;
2. – Bodovi po osnovu otežanih uslova života koji su nastali kao posljedica agresije;
3. – Bodovi po osnovu dodjele ratnih priznanja;
4. – Bodovi po osnovu niskog porodičnog standarda;
5. – Bodovi po ostalim osnovama;

Na osnovu utvrđenog broja bodova za svakog pojedinačnog kandidata, Fond "IKRE" će utvrditi rang- listu po kojoj će se dodijeliti odobreni planirani broj stipendija.

Prava, obaveze i druga pitanja o dodjeli i korištenju stipendije regulisaće se preciznije u međusobno zaključenom Ugovoru između odabranog stipendiste, Fonda "IKRE" i Ministarstva za boračka pitanja Kantona Sarajevo.

Kada prijavljeni kandidati imaju isti broj bodova, prednost će imati kandidati viših razreda odnosno godina studija i čiji je porodični standard niži.

III – DOKUMENTACIJA KOJA SE PRILAŽE

Sadržana je u obrazcu koji su svi zainteresovani kandidati dužni preuzeti u Fondu "IKRE" ili info- punktu Ministarstva za boračka pitanja Kantona Sarajevo – šalter - sala.

Zainteresovani kandidati su obavezni uz potrebnu dokumentaciju dostaviti i ovjerenu Izjavu da su saglasni da se njihovi lični podaci mogu obrađivati i objaviti u skladu sa članom 5. stav 2. Zakona o zaštiti ličnih podataka ("Službeni glasnik BiH" br. 49/06; 76/11 i 89/11-spravka). Obrazac Izjave se može preuzeti uz obrazac u Fondu "IKRE" ili info- punktu Ministarstva za boračka pitanja Kantona Sarajevo – šalter- sala.

IV – KONKURS OSTAJE OTVOREN DO 08.11.2018. GODINE

Prijave sa dokazima o ispunjavanju uslova konkursa predaju se LIČNO ILI PUTEM POŠTE PREPORUČENO U FOND KANTONA SARAJEVO ZA STIPENDIRANJE I ŠKOLOVANJE DJECE BORACA, POGINULIH BORACA I POGINULIH CIVILA – ŽRTAVA RATA "IKRE", Ulica Terezija bb, 71 000 Sarajevo.

Fond „IKRE” će po odabiru kandidata, u dnevnom listu u kojem je Konkurs za dodjelu stipendija bio objavljen, objaviti obavještenje o mjestu, roku i načinu uvida u odluku i spisak svih izabranih kandidata za stipendiju.

Na Odluku o izboru kandidata i dodjelu stipendija Fonda "IKRE" može se podnijeti prigovor Ministarstvu za boračka pitanja Kantona Sarajevo, putem Fonda „IKRE”, u roku od petnaest (15) dana od dana objavljivanja obavještenja u dnevnom listu.

NAPOMENA:

OBAVEZNO PREDAVATI FOTOKOPIJE DOKUMENATA KOJE MORAJU BITI OVJERENE ILI ORIGINAL DOKUMENTA .

DOKUMENTI DOSTAVLJENI UZ PRIJAVU NEĆE SE VRAĆATI.

NEPOTPUNE I NEBLAGOVREMENE PRIJAVE NEĆE SE RAZMATRATI.

OBRAZCI ZA DODJELU STIPENDIJA MOGU SE DOBITI U FONDU "IKRE" I NA INFO PUNKTU MINISTARSTVA ZA BORAČKA PITANJA KANTONA SARAJEVO – ŠALTER - SALA.



DIREKTOR

Dr. sci. Smajo Halilović
Dr. sci. Smajo Halilović



Address: Terezija bb, Sarajevo 71 000, Bosnia and Herzegovina
Tel./fax. ++387 33 444-520;
Tel./fax. ++387 33 200 310,
E-mail address: ikre.sarajevo@gmail.com

